



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Van water est worde[n].

urn:nbn:de:hbz:466:1-39385

Van t' Doopsel.

M. Wat is het Doopsel?

D. Het is een af-wasschinghe / die gheschiedt deur het water / ende aen-roepinghe van de **H. Drijbuldighejdt.**

M. Wat water moet dit wesen?

D. Het moet natuerlijck ende waerachtigh water wesen: als is / put-water / riuiere / fonteyn / reghen-water / oft dier-ghelijcke.

M. Wat woorden moet-men ghebruycken, almen yemanden doopt?

D. Dese: Ick doope v inden naem des Vaders, ende des Soons, ende des heylighs Gheests.

M. In wat taele moet-men dese woorden segghen?

D. Dat is euen-eens: hoe wel de **Priesters de Latijnsche taele** moeten spreken.

M. Hoe nood-saeckelijck ist, dese woorden te ghebruycken?

D. Dat-men het minste niet en magh achter-laten / daer de sin eenighl-sins deur soude verandert worden: iae in-dien men eenighe achter-liet / het en soude gheen doopsel wesen: ghelijck't oock niet en soude zyn / in-dien men gheen op-recht water en ghebruyckte.

M. Wat moet-men dan doen, om yemanden te doopen?

D. De dooper moet natuerlijck water nemen / ende daer in steken / oft daer mede ouer-gieten een notabel deel des lichaems van den ghenen die ghedoopt wordt: ende moet op den seluen tijdt dese woorden segghen / Ick doope v inden naem des
Vaders,

Vaders, ende des Soons, en des heylighs Gheests; met meyninghe te doen dat Christus in-ghestelt heeft/ oft dat de H. Kercke doet/ als sy doopt.

M. Wat noemt ghy hier een notabel deel des lichaems?

D. Het hoofdt / oft de borst: ende dier-ghelijcke/ als arm / oft been / by-sonder all-men inden arbejdt der vrouwen anders nieuwers aen en can. Want buyten desen noodt/ moet-men het hoofdt met water raecken.

M. Wie moeten dit heyligh Sacrament ontfanghen?

D. Alle menschen: al zijn sy van Christenen/ ende heylighe ouders ghebozen.

M. Hoe oudt moet-men wesen, om ghedoopt te worden?

D. Daer en is gheenen ouderdom oft verstandt van noode: maer de kinderkens moghen ghedoopt worden ter-stondt nae hunne ghebozte. Ende het is dickwils groote sonde langer te beyden / om t'perjckel van hunne salighejdt te verliessen: aen-ghesien dat sy sonder Doopsel niet en connen saligh worden.

M. En sullen dan de kinders, die sonder Doopsel steruen, in den hemel niet comen?

D. Neen/sy en sullen Godts aen-schijn nimmermeer aenschouwen / ten zij datse om t'ghelooue ghedoodt worden: ghelijck d'onnoosele kinder-kens van Herodes. Waer uyt blijkt/wat groote sorghe de moeders draghen moeten veur haere kinders/ als sy bevrucht zijn: Ende die nu ghebozen zynde/in tijdts te doen doopen.

M. En